

Zeitschrift: Schweizerische Chorzeitung = Revue suisse des chorales = Rivista svizzera delle corali = Revista dals chors svizzers

Herausgeber: Schweizerische Chorvereinigung

Band: 9 (1986)

Heft: 1

Artikel: Chor dall'uniun Grischuna da Zug

Autor: R.H.

DOI: <https://doi.org/10.5169/seals-1043850>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 11.02.2026

ETH-Bibliothek Zürich, E-Periodica, <https://www.e-periodica.ch>

Chantun rumantsch

Remarca dalla redacziun: Dapi 4 onns rapporta la Revista, mintgamai ell'emprema numera digl onn, sur dall'activitad da chors romontschs dalla Bassa. Entochen uss ein Lucerna (chor viril), Turitg (chor mischedau) e Berna (chor mischedau) stai vidlunder, e quella ga vegn Zug (chor viril) en tur.

Chor dall'uniun Grischuna da Zug

Igl onn 1941 ei la pintga raspada da Grischuns a Zug sedecidida da fundar ina uniun. Secapescha che las occurrenzas da quella giuvna uniun devan era gest caschun da mintgamai cantar in pèr canzuns romontschas. Aschia ei lu segir bein spert il giavisch seformaus da far mintgaton ina emprova da cant per dar allas canzuns la dretga tempra che mintga cantadur grischun ha en sia ureglia. Giacun Camenisch p.m. ha da lezzas uras surpriu la bitgetta ed ha tgamunau quella pintga gruppa da cantadurs tras differents disvaris e stempraus entochen igl onn 1962. Da gliez temps ha il chor dall'uniun Grischuna da Zug mai giu la curascha da separticipar a concurrenzas u fiastas da cant.

Sut la bitgetta dil niev dirigent, dr. Emil Alig, han ins formau danovamein il chor e recrutau entgins commembers novs, aschia ch'ins ha augmentau il diember sin 35 cantadurs. Cun grond entusiassem e plascher ei quei chor separticipaus per l'emprema gada igl onn 1963 alla fiasta da cant dalla Svizra centrala a Schwyz. Il bien success ed il grond laud ch'ils Grischuns han astgau raccoltar gliez di, ha dau ad els il ver anim e la curascha da separticipar da cheu naven regularmein a differentas fiastas el proxim contuorn, mo era a talas el pli lontan.

Sco biars auters chors, ei era quel dall'uniun Grischuna da Zug, buca vegnius schanegiaus ils davos 20 onns da diversas mutaziuns, aschia ch'il diember ei sesmasaus sin da present 20 cantadurs activs.

Dapi 10 onns diregia Pius Tschalèr cun bien inschign e bia premura quei choret. Ei reussescha adina danovamein ad el, d'anflar canzuns novas da nos cumponists contemporans, tut veramein canzuns che dattan anim e motivaziun da star fideivels al cant ed al lungatg romontsch. Ei secapescha quasi da sesez, che nus cantein mo canzuns romontschas ed era nos camerats da lieunga tudestga lessan buca rumper quella tradiziun. Cun tutta premura emprendan els plaids e pronunzia romontscha.

Duront circa 20 emprovas ad onn sepreparan ils cantadurs per concerts sin plazzas publicas ni per embellir in u l'auter survetsch divin en differentas baselgias cheu el marcau ni contuorn. Cun speciala premura e precisiun sededichesch dirigent e cantadurs alla preparaziun dallas canzuns da pag per fiastas da cant. Bunamein adina ein quellas stentas vegnidas remuneradas tras ina buna critica da nos experts e cun in tschupi d'aur.

Nossas bialas canzuns romontschas teidlan ins bugen cheu ed ellas anflan biars e buns auditurs. Jeu sperel ch'ei possi reussir a nus da svegliar entelgientscha ed acquistar beinvulientscha e susteniment per mantener e promover nies bi lungatg romontsch!

R.H.



Chor dall'uniun Grischuna da Zug/Männerchor des Bündnervereins im Kanton Zug

Scuol, lö da la 21avla festa da chant chantunala als 14/15 gün 1986

Nos lö da cura, ha suot il patronat dal Cor masdà dal lö e dal Cor viril d'Engiadina Basa, l'onur da pudair organisar quista festa chi ha lö mincha ses ans in ün o l'oter lö da nos chantun. Nossas duos societats, schi noss'intera populaziun sa da predschar quist'onur ma sa eir cha quai es ün'incombensa, schi ün dovair da spordscher a chantaduras e chantadurs da noss cors, commembers da l'associaziun chantunala da chant sco eir a cors d'utro ün cordial trattegn e divertaivel inscunter da chant.

Il comitè d'organisaziun cun seis president lic. jur. Not Carl es fingià daspö ün mez an vi a la lavur. In sezzüda cumünaivla cun la suprastanza chantunala s'haja fixà ils locals da producziuns e trattà tuottas dumandas necessarias.

La fin dal mais october vegnan tramiss als cors ils formulars per las annunzchas provisoricas. Ils cors vegnan giavüschats da retuornar lur annunzcha provisorica a temp indichà per avair in seguit ün purtret davart da la partecipaziun a la festa.

Las chanzuns da gara davant la giuria vegnan chantadas in duos locals adequats. Ils cors as oblajan da s'prodüer üna seguonda jada ingio chi po gnir chantada eir ün'otra chanzun. I's voul dar per quista producziun eir la pussibilità als cors da s'prodüer in gruppas da plüs cors insembel.

Intant spereschan suprastanza chantunala e comitè d'organisaziun sün üna granda partecipaziun davart dals cors spordschand fingia hoz a tuots ün cordial bainvgnü in Engiadina bassa a Scuol.